

Caso Natalee

Keto bay polis buscando e jogger cu ta un testigo nobo

Abogado mr. Helen Lejeuz a worde contrata

ORANJESTAD (AAN): E peticion di Ministerio Publico ta importante. Autoridad kier papia "atrobe" cu e persona, kende a duna algun dato valioso na comienzo di e investigacion

rond di desaparicion di Natalee Holloway.

Polis a haya tip anonimo di un persona kende ta costumbra di "cana" hopi trempan den madrugada, den area di Rooi Santo y Aruba

Racquet Club.

E persona aki ta un masculino, y awor su informacion ta hopi valioso pa Polis.

E peticion di polis ta pa e

"jogger" aki, por drenta den contacto cu Vocero Policial sr. Papito Comencia na telefoon 583-3483 of 582-4000.

Te cu ayera segun informe e persona encuestion no a reacciona riba e peticion. DIARIO no sa si acaso tabatin hende pa contesta telefon. Algun periodista Mericano a mustra en vivo, con nan ta yama e numbernan aki, pero uno ta contesta cu un "Fax-Machine", y e otro no ta worde contesta at all.

Manera ta conoci cu posiblemente e persona (testigo) tambe a mira aparentemente un vehiculo staciona e ora marduga masha sospechoso. Esaki ta confirmacion cu di e otro testigo cu a pasa banda di e vehiculo den cual e tres sospechosonan Deepak, Satish, y Joran ta sinta den die.

Algun detaye nobo ta mustra cu Diasabra e mama di Natalee a topa cu prome ministro Nelson Oduber relaciona cu e ultimo desaroyonan di su yiu muher cu a desaparece.

Ta obvio pa menciona cu riba internet a sali un foto na unda e sospechoso Joran ta den compania di varios persona posiblemente su amigonan. A drenta un peticion pa publica e foto encuestion pa asina esnan riba e potret por worde identifica.

Mientras tanto DIARIO ta dispone di informacion cu mama di Natalee a contrata un abogado mas pa represente. Segun informe cu ta trata aki di ex-Procurador General interino, ex-fiscal sra mr. Helen Lejeuz. DIARIO a trata di haya mas informe relaciona cu esaki pero tabata envano na ciere di nos edicion.